



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

SETSWANA PUO YA GAE (HL)

PAMPIRI YA BORARO (P3)

MOTSHEGANONG/SEETEBOSIGO 2024

KAEDI YA GO TSHWAYA

MADUO: 100

Kaedi e ya go tshwaya, e na le ditsebe di le 18.

KAROLO YA A: RUBORIKI YA GO TSHWAYA TLHAMO – PUO YA GAE [50 MADUO]

ELA TLHOKO:

- Dirisa ruboriki ka gale fa o tshwaya tlhamo ya boithlamedi (Pampiri 3 KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAAKANYO (Tсібogelo le dikakanyo) -Thulaganyo ya dikakanyo tsa ipaakanyo -Temogo ya maitlhomu, baamogedi le bokao	Maemo a kwa godimo	28–30 - Tсібogelo ya maemo a a kwa godimo go gaisa a a tlwaelegileng - Dikakanyo tse di botlhale, tse di tlhaloganyegang, tse di gwetlhang mogopolo le dintlha tse di gamogileng - E rulagantswe le go lomagana ka maemo a dinaledi go tsenyeletsa matseno, mmele le bokhutlo, ipaakanyo e e manonontlhotlho	22–24 - Tсібogelo e e tlhamilweng ka matsetseleko - Dikakanyo tse di maleba tota gape di kgatlhisa e bile di supa go gamoga, dikakanyo di lomagane - E rulagantswe bontle thata le go lomagana go tsenyeletsa matseno, mmele le bokhutlo, ipaakanyo e e lolameng	16–18 - Tсібogelo e e itumedisang - Dikakanyo di lomagane mo go tlhaloganyegang e bile go kgotsofatsa, - E rulagane le go lomagana mo go tlhaloganyegang go tsenyeletsa matseno, mmele le bokhutlo, ipaakanyo e e lekaneng mme e na le diphosonyana	10–12 - Tсібogelo e e sa tlhomamang - Dikakanyo tse di sa tlhapang e bile di se na boithlamedi, fela tlhamo e santse e na le go tlhaloganyega go go rileng. - Bosupi jo bonnye jwa thulaganyo le tomagano e e bokoa ya matseno, mmele le bokhutlo, ipaakanyo e e tlhaelang	4–6 - Tсібogelo e e seng maleba gotlhelele - Dikakanyo tse di tlhakatlhakane, di tlhoka tsepamo, di gasagane le go boelediwa, tlhamo e tlhabela go tlhaloganyega. - Ga e a rulagana e bile ga e a lomagana, gotlhelele, ipaakanyo e e seng maleba.
		30 MADUO	25–27 - Tсібogelo e e manontlhotlho, mme e tlhabela ditlhokego tse di tsibosang tsa tlhamo ya maemo a dinaledi - Dikakanyo tse di botlhale e bile di gamogileng - E rulagantswe ka matsetseleko le ka tomagano go tsenyeletsa matseno, mmele le bokhutlo, ipaakanyo e e matsetseleko.	19–21 -Tсібogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo, ipaakanyo e e lolameng ka diphosonyana.	13–15 -Tсібogelo e e itumedisang, mme e latlhegelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo, ipaakanyo e e lekaneng e e nang le diphoso	7–9 -Bogolo jwa tsibogelo ga bo maleba -Dikakanyo tse di sa lomaganeng e bile di tlhakatlhakane -Ipaakanyo e e sa tsepamang e bile e tlhakatlhakane,

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
PUO, SETAELE LE GO TSELEGANYA/RUNA -Segalo, rejisetara le setaele tse di maleba go maikaelelo/ ditlamorago le bokao -Tlhopho ya mafoko le tlotlofoko -Tiriso ya puo le melawana: thutapuo, matshwao a puiso le mopeleto 15 MADUO	Maemo a kwa godimo Maemo a kwa tlase	14–15 -Segalo, rejisetara le setaele di maleba le maikaelelo, baamogedi le bokao ka maemo a a kwa godimo - Puo e e tlhololo, e e itumedisang ka maemo a a tlaologileng le tlotlofoko e e manontlhotlo ya maemo a a kwa godimo - Ga go na diphoso tsa tiriso ya puo le melawana ka gotlhe	11–12 -Segalo, rejisetara le setaele di maleba thata le maikaelelo, baamogedi le bokao - Puo e nonofile le tlotlofoko e tlamilwe ka matsetseleko - Bogolo jwa yona ga bo na diphoso tsa tiriso ya puo le melawana	8–9 - Segalo, rejisetara le setaele di maleba le maikaelelo, baamogedi le bokao - Puo e e maleba go tthagisa bokao le tlotlofoko e e tlotlheletsang tthagiso ya diteng - Diphoso tsa tiriso ya puo le melawana ga di kgoreletse bokao	5–6 - Segalo, rejisetara le setaele ga di maleba le maikaelelo, baamogedi le bokao - Puo ke ya maemo a motheo thata le tlotlofoko e lekanyeditswe thata (go na le tiriso ya dipuo tse dingwe) - Diphoso tsa tiriso ya puo le melawana di eta di kgoreletsa bokao	0–3 - Segalo, rejisetara le setaele bomaleba jwa tsona bo kwa tlase le maikaelelo, baamogedi le bokao - Puo ga e tlaologanyesegile le tlotlofoko e nnye thata, mme e dira gore go nne thata go tlaologanya - Diphoso tsa tiriso ya puo le melawana di thiba letsatsi
		13 -Segalo, rejisetara le setaele di dirisitswe ka manontlhotlo - Puo le tlotlofoko e e matsetseleko ka tlotlheletso e e nonofileng mo bokaong - Ga e na diphoso tsa tiriso ya puo le melawana ka gotlhe	10 -Segalo, rejisetara le setaele tse di siameng di nonofile - Puo le tlotlofoko tse di ngokang e bile di nonofile ka kakaretso - Diphoso tse di mmalwa tsa tiriso ya puo le melawana	7 - Segalo, rejisetara le setaele di siame ka kakaretso le tiriso e e lekanyeditsweng ya malepa a tlotlheletso -Tiriso ya puo le tlotlofoko tse di mo magareng, ka go tlhoka tsepamo - Diphoso tsa tiriso ya puo le melawana di dintsi	4 - Segalo, rejisetara le setaele ga di maleba gotlhelele - Puo e e bokoa le tlotlofoko e e lekanyeditsweng tota - Diphoso tsa tiriso ya puo le melawana di dintsi e bile di kgoreletsa bokao	
KAGEGO -Diponagalo tsa sethangwa -Kago ya ditemana le go tlangwa ga dipolelo 5 MADUO		5 - Kago e e manontlhotlo ya tatelano ya dintlhana tse di tlaologileng - Dipolelo le ditemana di bopilwe bontlentle	4 - Kago e e latelanang ya dintlhana tse di lomaganeng - Dipolelo le ditemana di a latelana, di a farologana	3 - Kago ya dintlhana tse di maleba e bile di na le tlaologanyo - Dipolelo, ditemana tse di bopilweng sentle	2 - Go na le dintlha dingwe tsa kago tse di amogelesegang - Dipolelo le ditemana di fosagetse	0–1 - Dintlha tse di botlhokwa di a tlaela e bile e tlhoka tlaologanyo - Dipolelo le ditemana di fosagetse le go ipoeletsa.

KAROLO YA B: RUBORIKI YA TLHATLHOBO YA SETLHANGWA SA TIRISANO [Maduo a le 25]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlaelang	Ga a fitlhelela
<p>DITENG, THULAGANYO LE SEBOPEGO</p> <p>-Tсібogelo le dikakanyo -Kokoanyo ya dikakanyo gore go rulaganngwe Maitlhom, baamogedi, diponagalo/melawana le tiriso</p> <p>MADUO 15</p>	<p>13–15</p> <p>- Tсібogelo ya maemo a a kwa godimo go gaisa se se lebeleletsweng ka gale le kitso e e tseeneletseng ya diponagalo tsa mofuta wa setlhangwa - Diteng le dikakanyo tse di bothale, tse di gamogileng, di lomagane e bile di tshegetsang setlhogo ka thulaganyo e e manontlhotlho - Tlhaloso ya maemo a a kwa godimo e bile dintlha tsotlhe di maleba thata. - Sebopego se se maleba gape se nepagetse</p>	<p>10–12</p> <p>-Tсібogelo e ntle tota e e bontshang kitso e ntle ya diponagalo tsa mofuta wa setlhangwa - Diteng le dikakanyo di lomagane, dintlha tse di thadisitsweng sentle gape di tshegetsang setlhogo ka thulaganyo e e lolameng - E tsepame ga e a fapoga setlhogo -Sebopego se se lolameng ka diphoso tse dinnye</p>	<p>7–9</p> <p>- Tсібogelo e e lekaneng e e bontshang kitso ya diponagalo tsa mofuta wa setlhangwa - Diteng le dikakanyo di lomagane mo go utlwalang, dintlha dingwe di tshegetsang setlhogo ka thulaganyo e e lekaneng - Go na le tsepamo e e rileng mme kwalo e eta e fapoga mo setlhogong - Sebopego se se maleba ka kakaretso fela go na le go sa nepagale go go rileng</p>	<p>4–6</p> <p>-Tсібogelo e e kwa tlase e e supang kitso ya diponagalo tsa mofuta wa setlhangwa - Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo ka thulaganyo e e tlaelang - Ga e a tsepama ka gotlhe, mme kwalo e fapogile setlhogo -Tiriso e e phatlaletseng ya melawana ya sebopego</p>	<p>0–3</p> <p>- Tсібogelo e senola go tlhoka kitso ya diponagalo tsa mofuta wa setlhangwa - Ga go na tomagano ya diteng le dikakanyo e bile ke dintlha di le mmalwa tse di tshegetsang setlhogo ka thulaganyo e e sa tlhaloganyegeng/e se yo - Bokao jo bo kgoreletsegileng ka go fapoga setlhogo go go feteletseng - Ga go a dirisiwa melawana ya sebopego</p>
	<p>PUO, SETAELE LE GO TSELEGANYA/RUNA</p> <p>-Segalo, rejisetara le setaele, maitlhom, baamogedi le tiriso -Tlhopho ya mafoko le tlotlofoko - Tiriso ya puo le melawana (thutapuo) -Matshwao a puiso le mopeleto</p> <p>MADUO 10</p>	<p>9–10</p> <p>-Segalo, rejisetara le setaele tse di maleba thatathata le maitlhom, baamogedi le tiriso - Tlotlofoko e maleba thata e bile e bontsha kgolo - Tiriso ya puo le melawana di nepagetse, di agegile sentle -Ga e na diphoso gotlhelele</p>	<p>7–8</p> <p>- Segalo, rejisetara le setaele tse di maleba thata le maitlhom, baamogedi le tiriso - Tlotlofoko e e siameng tota - Tiriso ya puo le melawana di nepagetse ka kakaretso e bile di agegile sentle. -Bogolo ga go na diphoso</p>	<p>5–6</p> <p>- Segalo, rejisetara le setaele di maleba le maitlhom, baamogedi le tiriso - Tlotlofoko e e lekaneng - Go diphoso dingwe tsa tiriso ya puo le melawana fela -Diphoso ga di kgoreletse bokao</p>	<p>3–4</p> <p>- Segalo, rejisetara le setaele di fosagetse go le gonnye go maitlhom, baamogedi le tiriso -Tlotlofoko e e lekanyeditsweng - Tiriso ya puo le melawana e e sa lolamang ka diphoso tse dintsi - Bokao bo kgoreletsegile</p>

Mokgwa wa go tshwaya tiro ya boitlhamedi:

- Tlhamo ga e a tshwanela go tlhoka sesupo sa gore e buisitswe e bile e abetswe maduo jaaka go tshwanetse.
- Maduo a a abetsweng tlhamo a tshwanetse gore a nne le sesupo sa gore a fitlheletswe jang.
- Tlhamo ga e tshwane le tshobokanyo ka tekanyetso e e gagametseng ya mafoko, yona ke tiro ya boitlhamedi.
- Fa tlhamo e elela ka boitlhamedi le go ngoka mmuisi, ga go a siama go tota mogopolo mo boleeleng jwa yona fela mme go itlhokomolosiwa diteng. Molawana o o tlhamaletseng ke go re:
 - **Go se nne le dikotlhao tsa tlaletso tse di newang gone ruboriki e na le dikotlhao ka boyona.**

KAROLO YA A: TLHAMO**POTSO 1****1.1 Tlhamo ya kanelo**

Mofuta o wa tlhamo, o anela ka ga sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Fa nkabo ke itsitse ...**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele (go dumelesege) gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse ga elwa tlhoko gore mofuta o wa tlhamo o a anela.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- Tlhagiso ya letlha le nako ya tiragalo.
- Tlhagiso ya se se diragetseng ka motsi oo.
- Tlhagiso ya tiragalo e e tlisitseng kakanyo e.
- Tlhagiso ya dintlha tse di tlisitseng boitumelo/bosula.
- Tlhagiso ya maikutlo a a fitlheletsweng ka boitumelo/bosula joo.
- Tlhagiso ya mogopolo o o tlisitsweng ke tiragalo ya letsatsi leo.
- Tshobokanyo ya dintlha le go supa maikutlo a gagwe.
- Bokhutlo e nne jo bo kgodisang.

[50]

1.2 Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Se nkganang se nthola morwalo.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse ga elwa tlhoko gore mofuta o wa tlhamo o a anela.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise ditiragalo tse di senolang bonnete jwa setlhogo se.
- Tlhagiso ya se se ganang morwadi.
- Tlhagiso ya bokete jwa morwalo o a neng a tlaa o rwala.
- Tlhagiso ya maikutlo a gagwe morago ga go rolwa morwalo.
- Bokhutlo e nne jo bo kgodisang.

[50]

1.3 Tlhamo ya tlhaloso

Mokwadi mo tlhamong e, o tlhalosa sengwe ka ga mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Moletlo wa bofelo jwa ngwaga wa barutwana ba marematlou.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlohpe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.

- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tiisa kgang/tiragalo.
- Go elwe tlhoko gore mofuta o wa tlhamo o a tlhalosa.
- Motlhatlhojwa a bontshe fa a na le maitemogelo mo setlhogong se.
- Bokhutlo e nne jo bo kgodisang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- Tlhagiso ya letlha, nako, lefelo la moletlo le leina la sekolo.
- Tlhagiso ya morulaganyi, tlhwatlhwa ya dipalangwa le moaparo wa letsatsi leo.
- Tlhagiso ya banaleseabe botlhe ba moletlo oo.
- Tlhagiso ya ditiragalo tsa letsatsi leo.
- Tlhagiso ya maikutlo a barutwana ka ga letsatsi leo.
- Bokhutlo e nne jo bo kgodisang.

[50]

1.4 Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Fa nka nna mogasi wa tsa metshameko mo thelebišeneng ...**

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a nne le seabe sa bothokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.
- Tlhamo e kwalwe ka maemo a kgonego kgotsa a pakatlang.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise se se mo gapileng maikutlo le go mo rotloetsa mabapi le tiro ya bogasi jwa metshameko.
- A tlhagise ditlhokego tsa tiro ya bogasi.
- A tlhagise gore a ka tlhabolola kgaso ya metshameko jang?

- A tlhagise ditlamorago tsa go nna mogasi wa setswerere.
- A tlhagise gore tiro eo e ka ama jang botshelo jwa gagwe le ba ga bona.
- A tlhagise gore a ka boloka tiro eo jang?
- Bokhutlo e nne jo bo kgodisang.

[50]

1.5 Tlhamo e e sa tseyeng letlhakore

Mofuta o wa tlhamo o tlhagisa ngangisano e e lekalekanang go emela kgotsa go nna kगतलhanong le sengwe se setlhogo se buang ka ga sona, kemo ya mokwadi e tlhagisiwa fela kwa bokhutlong.

Sekao sa setlhogo: **A dithutego ke tsona tse di ka tlisang botho le tlihabologo mo mothong?**

Dintlha tse di latelang di tshwanetse go elwa tlhoko fa go tshwaiwa tlhamo e e sa tseyeng letlhakore.

- Tlhamo e itshupe ka go lekalekana, e se tseye letlhakore.
- E tlhagise matlhakore a mabedi mme dikakanyo di tlhagisiwe ka tshegetso le kgatelelo e kgolo.
- E lebelele kemo ya botlhe fela mokwadi a itebelele ka dinako dingwe.
- E dire gore go dumelanwe le mokwadi fela a se ineele bonolo.
- Ngangisano e dire tlihaloganyo e e utlwalang.
- Puo e nne e e tsosang maikutlo mme motlhatlhojwa a se ka a tlhoka maitseo.
- Tlhamo ya mofuta o e kwalwe ka pakajaanong.
- Bokhutlo bo supe ntlhakemo ya mokwadi.

Se se lebeleletsweng mo motlhatlhojweng:

- Setlhogo se a ithophetseng sona.
- Tlhaloso ya setlhogo.
- A tlhagise maikutlo a gagwe malebana le thutego, botho le tlihabologo.
- A bapise maitsholo a batho ba ba nang le dithutego le ba ba se nang dithutego mabapi le botho le tlihabologo tsa bona.
- A tlhagise ka moo go tlhoka thutego/go nna le thutego go ka bakang go tlhoka botho le go se tlihabologe mo setšhabeng ka gona.
- A tlhagise maele a a ka neelwang batho ba ba se nang botho, ba sa tlihabologa mme ba na le dithutego/ba se na dithutego.
- A supe maikutlo le ntlhakemo ya gagwe kwa bokhutlong.

[50]

1.6 Tlhamo ya ngangisano

Mo tlhamong e, motlhatlhojwa o tlhagisa kakanyo, ntlhakemo mme a nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tlhagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Ngwana yo o golelang mo tikologong e e sa siamang o feleletsa a dira dilo tse di tswileng mo tseleng. Dumela kgotsa o ganetse.**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tlhagisa ntlhakemo ya gagwe go bontsha boitshimololeli.
- A neye mefutafuta ya dingangisano go tshegetsang ntlhakemo ya gagwe mme a tlhalose se.
- Tlhamo e tlhagise letlhakore le le lengwe mme dikakanyo di tlhagisiwa ka kgatelelo e kgolo.
- Go dirisiwe mefuta e e farologaneng ya didiriswa tsa puo le dithekeniki tsa tiriso ya puo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tlhagisa kakanyo e e tlhomameng, e e tlhaloganyegang mme e pateletse mmuisi go dumelana le tse di tlhagisitsweng.
- Tlhamo ya mofuta o, e kwalwe ka pakajaanong.

Se se lebeleletsweng mo motlhatlhojweng:

- Setlhogo se a itlhophetseng sona.
- Tlhaloso ya setlhogo.
- A tlhagise ntlhakemo ya gagwe le go e dibela ka bosupi jo bo rileng.
- A tlhagise dikao tsa ditiro tse di tshegetsang ntlhakemo ya gagwe.
- A tlhagise melemo le ditlamorago tsa ntlhakemo ya gagwe.
- A tlhagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tlhagise tshikinyo ya se se ka diriwang go tshegetsang ntlhakemo ya gagwe.

[50]

1.7 Ela tlhoko:

le

1.8

Tshedimosetso e e latelang e dirisiwe go tshwaya potso ya setshwantsho e bong, 1.7 le 1.8, e e ka nnang tlhamo ya kanelo, tlhaloso, maitlhommo kgotsa ngangisano.

Tlhamo ya kanelo

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya kanelo.

- Ditiragalo di tshwanetse go latelana sentle, mme mmuisi a dumele gore di diragetse, le fa tota e le dijo tsa ditoro.
- Tlhamo e kwalwe ka paka e e fetileng.
- Matseno e nne a a ngokang.
- Kanelo e ntle go le gantsi e tlhagisa ntlha e e rileng.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Puo le ditiragalo di tshwanetse go itumedisa babuisi.
- Kanelo e e atlegileng e bontsha diteng tse di maleba ka botlalo jaaka pono, modumo, monko/monkgo le tiriso ya ditemosi tse dingwe.
- Go tshwanetse go elwe tlhoko gore mofuta o wa tlhamo o a anela.
- Bokhutlo e nne jo bo kgodisang.

Tlhamo ya tlhaloso

Mokwadi mo tlhamong e, o tlhalosa sengwe ka mokgwa o mmuisi a tlaa itemogelang se se tlhalosiwang jaaka go batlega.

Sekao sa setlhogo: **Setshwantsho.**

Dintlha tse di latelang di tshwanetse go elwa tlhoko fa go tshwaiwa tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a filweng.
- Motlhatlhojwa a tlhophe mafoko le tiriso ya mafoko a a bontshang maikutlo ka kelotlhoko go gorosa molaetsa sentle.
- Go dirisiwe ditshwantsho tsa pono, modumo, kutlo, go tlhalosa mofuta o wa tlhamo sentle.
- Puo ya botshwantshi e dirisiwe ka boitshimololeli go tiisa kgang/tiragalo.
- Motlhatlhojwa a bontshe fa a na le maitemogelo mo setshwantshong.

Se se lebeleletsweng go tswa mo motlhatlhojweng:

- Setlhogo se se nyalanang le setshwantsho se a itlhopetseng sona.
- Tlhaloso ya setlhogo.
- A tlhagise mabaka a a tlholang ditiragalo tse di amanang le se se tlhagelelang mo setshwantshong.
- A tlhagise ditlamorago tsa maemo a a tlhagelelang mo setshwantshong.
- A tlhagise thotloetso ya go tila kgotsa go tswelletsa se se tlhagelelang mo setshwantshong.
- Bokhutlo bo supe maikutlo a gagwe.

Tlhamo ya maitlhamo

Mo mofuteng o wa tlhamo motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Sekao sa setlhogo: **Setshwantsho**

Dintlha tse di latelang di tshwanetse go elwa tlhoko fa go tshwaiwa tlhamo ya maitlhamo:

- Tlhamo ya maitlhamo e tseye letlhakore.
- Maikutlo a nne le seabe sa botlhokwa.
- Karolo e kgolo mo tlhamong e ka tlhalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/megopolo/maikutlo di tshwanetse go senola boammaaruri le maitemogelo.
- Tlhamo e kwalwe ka maemo a kgonego kgotsa a pakatlang.

Se se lebeleletsweng mo motlhatlhojweng:

- Setlhogo se se nyalanang le setshwantsho se a itlhopetseng sona.
- Tlhaloso ya setlhogo.
- A tlhagise se se mo gapileng maikutlo ka se se diragalang mo setshwantshong.
- A tlhagise gore a ka rotloetsa jang ba ba nang le kgalhego tebang le se se mo setshwantshong.
- A tlhagise mabaka a a ka tlholang ditiragalo tse di amanang le se se tlhagelelang mo setshwantshong.
- A tlhagise ditlamorago tse di tlholwang ke maemo a a tlhagelelang mo setshwantshong.
- A tlhagise gore tiragalo e e mo setshwantshong e ka ama jang botshelo jwa gagwe, balelapa le morafe.
- A tlhagise gore a ka dira eng go tila kgotsa go siamisa se se tlhagelelang mo setshwantshong.
- Bokhutlo e nne jo bo kgodisang.

[50]

Tlhamo ya ngangisano

Mo tlhamong e, motlhatlhojwa o tthagisa kakanyo, ntlhakemo, mme o nganga ka maitlhommo a go dibela kemo ya gagwe.

Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe, mme motlhatlhojwa a leke go pateletsa mmuisi go leba ditiragalo ka leitlho la gagwe.

Sekao sa setlhogo: **Setshwantsho**

Dintlha tse di latelang di tshwanetse go elwa tlhoko fa go tshwaiwa tlhamo ya ngangisano:

- Motlhatlhojwa a simolole ka go tthagisa ntlhakemo ya gagwe go bontsha boitshimolole.
- A neye mefutafuta ya dingangisano go tshegetsang ntlhakemo ya gagwe, mme a tthalose se.
- Tlhamo e tthagise letlhakore le le lengwe, mme dikakanyo di tthagisiwe ka kgatelelo e kgolo. Go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo, mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tlhologanyegang e bile e pateletsa mmuisi go dumelana le tse di tthagisitsweng.
- Tlhamo ya mofuta o e kwalwe ka pakajaanong.

Se se lebeleletsweng mo motlhatlhojweng:

- Setlhogo se se nyalanang le setshwantsho se a itlhophetseng sona.
- A tthalose setlhogo a bo a tthagise ntlhakemo ya gagwe le go e dibela ka bosupi jo bo rileng.
- A tthagise dikao tsa ditiro tse di supang le go tshegetsang ntlhakemo ya gagwe.
- A tthagise melemo le ditlamorago tsa ntlhakemo ya gagwe.
- A tthagise dintlha tsa ngangisano tse di tshegetsang ntlhakemo ya gagwe.
- Kwa bokhutlong a tthagise tshikinyo ya se se ka diriwang go efoga kgotsa go rotloetsa ntlhakemo ya gagwe mabapi le se se diragalang mo setshwantshong.

[50]**PALOGOTLHE YA KAROLO YA A:****50**

KAROLO YA B: DITLHANGWA TSA TIRISANO

POTSO 2

2.1 MAIKAO(LOKWALOIKITSISO) LE LEKWALOPHELEGETSO

Palogotlhe ya mafoko a maikao(lokwaloikitsiso) le lekwalophelegetso ke 180–200 diteng fela.

MAIKAO(LOKWALOIKITSISO)

Maikao/(lokwaloikitsiso) ke lokwalo le mokwadi a ipapatsang/ithekisang ka lona. Lo kwalelwa ditheo le mafapha a puso fa mong a batla tiro. Ke tshedimose tso e e kitlaneng e e maleba thata le mofuta wa tiro e e kopiwang.

Dintlha tse di tshwanetseng go elwa tlhoko fa go tshwaiwa maikao(lokwaloikitsiso):

- Lokwalo lo lo tlhagisa dintlha tse di tsepameng.
- Lokwalo lo lo kwalwe ka tsela e e leng gore motho yo o sa go itseng a ka kgatlhega fela fa a buisa maikao a gago lekgetlho lwa ntlha.
- Tlhagiso ya tshedimose tso e e lolameng, e tsepame mme e nne khutshwane.
- Tshedimose tso ka mong e nne maleba le ditlhokego tsa tiro.
- Supa bokgoni jwa boeteledipele le bokgoni jwa go dira le setlhopha le jwa go dira o le esi fa go kgonagala.

Se se lebeletsweng mo motlhatlhojweng:

- Motlhatlhojwa a neele tshedimose tso ka ga; maina, bong, letsatsi la botsalo, dinomoro tsa mogala, borutegi, bokgoni, maitemogelo a tiro jalojalo.
- Tshedimose tso ka ga lekwalo la go kgweetsa.
- Basupi ba le babedi.

LEKWALOPHELEGETSO

Lekwalophelegetso ke lekwalo la semmuso le le kwalelwang setheo sengwe se go diriwang kopo kwa go sona. Lekwalo le, ke tshobokanyo ya maikaelelo a mokwadi le kopo ya tiro e e phasaladitsweng.

Dintlha tse di tshwanetseng go elwa tlhoko fa go tshwaiwa lekwalophelegetso:

- Lekwalo le, le le khutshwane, le na le dintlhakgolo ka ga se se batliwang kgotsa se se kopiwang.
- Ditlhokego tse di farologaneng tsa lekwalo la semmuso di tlhagisiwe ka tlhomamo (popego le setaele).
- Diaterese di nne pedi, ya mokwadi le ya moamogedi.
- Le supe bokhutlo jo bo tlhamaletseng bo latelwe ke sefane le ditlhakaina tsa mokwadi. Le nne le dinomoro tsa mogala gore go ikgolaganngwe le mokopi.

Se se lebeleletsweng mo motlhatlhojweng:

- Diaterese tse pedi (ya mokwadi le moamogedi).
- Setlhogo sa lekwalo se tlhagise tiro e e kopiwang
- Ditumediso di kwalwe.
- Kopo e tlhagisiwe ka botlalo le ka boikobo.
- Tlhagiso ya kगतlhego ya gagwe mo tirong eo.
- Thadiso ya ditlhokego tsa botlhokwa/bokgoni bo bo maleba le tiro eo.
- A tlhagise tsholofetso ya boineelo jwa gagwe mo tirong eo.
- Bokhutlo e nne jo bo maleba ka se se solofetsweng.
- Tlhagiso ya leina/ditlhakaina le sefane.
- Dinomoro tsa mogala.

[25]**2.2 IMEILE/LEKWALO LA MARANYANE**

Imeile ke mokgwa wa tshaeletsano o o diriwang ka khomphutara le selefounu. E romelwa gongwe le gongwe ka nako nngwe le nngwe. E na le aterese ya yona e e tshaolegileng, e e farologanang le aterese ya lekwalo. Palo ya mafoko a lona e nne 180–200 diteng fela.

Dintlha tse di tshwanetseng go elwa tlhoko fa go tshwaiwa imeile/lekwalo la maranyane:

Fa o kwala imeile/lekwalo la maranyane tlhokomela gore le arogantswe ka dikarolwana tse pedi tse di latelang:

- Karolo ya A e akaretsa dintlha tse di latelang:
 - **Go tswa go:** Aterese ya imeile ya moromedi.
 - **GO:** Aterese ya imeile ya motho yo o kwalelwang.
 - **BA BANGWE:** Diaterese tsa batho ba molaetsa o o tshwanetseng go ba fitlhelela. Karolo e e dirisediwa gore motho yo o romeletsweng molaetsa, a itse le go lemoga batho ba bangwe ba ba amogetseng molaetsa.
- Karolo ya B e akaretsa dintlha tse di latelang:
 - Ditumediso go mokwalelwa.
 - Molaetsa ka botlalo.
 - Ditumediso tsa taelo tse dintle tsa tlotlo.
 - Khutliso ka go kwala leina le sefane.
 - Lefelo le le bayang ditlankana tse di tshwaragantsweng.

Se se lebeleletsweng mo motlhatlhojweng:

- Aterese ya imeile ya mokwadi le tsa baamogedi.
- Aterese ya imeile ya tsala e e mo kopileng go kwala taletso.
- Setlhogo sa imeile le ditumediso di kwalwe.
- A tlhagise mabaka a a pateletsang taletso le go kopa thuso eo ka bonako.
- A thadise ka botlalo se mongwe le mongwe a tshwanelang go se dira go atlegisa letsatsi leo.
- A tlhagise ditumediso, tsa tlotlo tse di laelang mokwalelwa.
- A tlhagise setlhogo sa ditlankana/ditokomane tse di mametleletsweng le molaetsa fa di le gona.

[25]

2.3 ATHIKELE YA LOKWALODIKGANG

Athikele ya lokwalodikgang ke karolwana ya lokwalodikgang e batho ba kwalang dikgang dingwe kgotsa ba bega sengwe gore se buisiwe ke botlhe. Palo ya mafoko a yona e nne 180-200 diteng fela.

Dintlha tse di tshwanetseng go elwa tlhoko fa go tshwaiwa athikele ya lokwalodikgang:

- Setlhogo se se bonalang go tsentswe le ditlhogwana tse di tlhaloganyegang sentle.
- Tlhagiso ya leina la mokwadi kwa tshimologong ya athikele.
- Tiriso ya puo ka mokgwa o o totileng motho.
- Kgang e ngokele, mme e se latlhe dintlha tsa botlhokwa.
- Tshimologo e nne ka dintlha tsa botlhokwa thata: mang, jang, leng, kae, goreng le go fitlhela kae.
- Dintlha tse di tlhagisitsweng ka boripana le ka tsepamo.
- Tlhaeletsano e nne ka mokgwa wa go sa latlhe mooko wa kang mme e fitlhelela mmuisi.
- Tshobokanyo e e tsepameng kwa ntle le go fitlha boammaaruri.

Se se lebeleletsweng mo motlhatlhojweng:

- Setlhogo e nne se se ngokang, se na le kgogedi.
- A tlhagise leina la mokwadi wa athikele.
- A sobokanye dintlha ka ga mathata a metšhini e e ntshang madi.
- A tlhagise dipalopalo le dipegelo tsa dipatlisiso tse di dirilweng ka bonokwane jo bo diragalang fa batho ba ntsha madi kwa metšhining.
- A tlhagise maikutlo ka ga ditiragalo tse di masisi tse batho ba itemogelang tsona kwa metšhining ya madi.
- A rotloetse badirisi go nna malalaalaotswe pele ba ka ntsha madi.
- A lemose badirisi go tlhokomela dikarata tsa bona fa ba le kwa metšhining.
- A tsibose badirisi go se neele mongwe le mongwe karata le dinomoro tsa bona tsa sephiri go ba thusa go ntsha madi.
- A gakolole batho ka ga nako e e maleba e ba ka ntshang madi ka yona mo metšhining.

[25]

2.4 LENANEOTEMA LE METSOTSO YA KOPANO

Lenaneotema ke kitsiso le kgobokanyo ka dintlhakgolo tse go tlileng go buiwa ka ga tsona mo kopanong e e rileng. Le thusa batlapitsong go itse se ba se bilediwang le gore ba tle pitsong ba ipaakantse ba rulagantse ditshwaelo tsa bona sentle. Metsotso ke phuthololo ya lenaneotema le le neng la romelelwa ditokololo tsa kopano. Metsotso e botlhokwa thata ka gonne e thusa go tshola le go boloka ditshwetso le dintlhakgolo tsa kopano. Palo ya mafoko a lenaneotema le metsotso ke 180–200 diteng fela.

Dintlha tse di tshwanetseng go elwa tlhoko fa go tshwaiwa lenaneotema le metsotso:

- Kwala dintlha tsa kopano jaaka (leina la mokgatlho/setheo, lefelo, letlha le nako).
- Lenaneotema le tlhagelela pele ga metsotso.
- Rulaganya le go kwala dintlha tsa se se tlaa buiwa kwa kopanong.
- Go tthagisiwe dintlha tse di botlhokwa fela.
- Metsotso e kwalwe ka bokhutshwane.
- E nne le ditlhogwana tse di tlhomaganang go ya ka lenaneotema.
- Ditlhagiso le diphetolelo tse di dirwang di tshwanetse go kwalwa jaaka ditshwetso.
- Go kwalwa fela diphitlhelelo, dikatlanegiso le ditshwetso e seng dingangisano tsa ditokololo.
- Metsotso e kwalwe ka pakapheti.

Se se lebeleletsweng mo motlhatlhojweng:

- A tthagise kitsiso ya pitso e e akaretsang letlha, lefelo, nako e kopano e tlileng go tshwarwa ka yona.
- Thulaganyo ya dintlha tse go tlaa buiwa ka tsona kwa kopanong go ya ka botlhokwa jwa tsona.
- A tseketletse/saene lenaneotema.
- Mo metsotsong, a tthagise setlhogo sa metsotso se se tsenyeletsang leina la setheo se a se direlang, letlha, nako le lefelo la kopano.
- A tthagise dintlha ka thebolo ya dipoelo tsa setheo.
- A tthagise dintlha tse di tšhotlhiweng kwa kopanong mabapi le dithulaganyo tsa go tswelisa setheo pele.
- A tthagise se se solofetsweng go tswa go modiri mongwe le mongwe.
- Tshobokanyo ya se se tshikintsweng le se go dumelanweng ka ga sona.
- A tthagise letlha la kopano e e latelang.
- A supe fa modulasetulo le mokwaledi ba tlaa saenang/tseketletsang teng. [25]

2.5 MMUISANO

Mmuisano ke mokgwa wa tlhaeletsano o o dirisiwang ke batho ba le babedi kgotsa go feta. Ba buisana ka ga dikakanyo kgotsa setlhogo sengwe se se rileng. Sebopego sa ona ke sa dipotsotherisano fela ona o dirisiwa gongwe le gongwe ke mongwe le mongwe. Palo ya mafoko ya ona ke 180–200 diteng fela.

Dintlha tse di tshwanetseng go elwa tlhoko fa go tshwaiwa mmuisano:

- Mmuisano o kwalwa ka mokgwa o moterama a kwalang ka ona.
- Go nna le dibui di le pedi kgotsa go feta.
- Dipolelo tsa dibui di nne dikhutshwane.
- Diteng di supe boithamedi, kelelo ya dintlha le go tsamaelana ga ditiragalo.
- Maina, maemo a tiro kana maikarabelo a loago a dibui a tlhagelele sentle.
- Matseno, mmele le bokhutlo di dirisiwe sentle. Kgang e bontshe tshimologo, setlhoa le tharabololo.
- Puo le moonno di tsamaelane le ditiragalo.
- Puo e nne e e tlhamaletseng kgotsa e e loileng go tsamaelana le se se buiwang.
- Matshwao a puiso a tsamaelane le puisano.

Se se lebeleletsweng mo motlhatlhojweng:

- Setlhogo sa mmuisano se kwalwe.
- Ditumediso le ikitsiso di kwalwe.
- Mmuisano o tlhagise maikarabelo le tshegetso ya motsadi.
- A mmuisano o tlhagise tse motsadi a di lemogileng fa a lekola tiro ya ngwana.
- Mmuisano o bontshe botlhokwa jwa go tshegetsa ngwana mo dithutong tsa gagwe.
- A mmuisano o thadise ditlamorago tsa go se tshegetse ngwana mo dithutong tsa gagwe.
- Mmuisano o tlhagise didiriswa tse di farologaneng go ka thusa ngwana.
- Mmuisano o tlhagise mekgwa le ditsela tsa go ithuta.
- Puo e nne e e tlhamaletseng.
- Bokhutlo e nne jo bo lebeleletsweng.

[25]

2.6 TSA BOTSHELO JWA MOSWI

Tsa botshelo jwa moswi ke tshedimose tso e e botlalo fela e le khutshwane ka ga botshelo jwa yo o tlhokafetseng. Palo ya mafoko e nne 180–200 diteng fela.

Dintlha tse di tshwanetseng go elwa tlhoko fa go tshwaiwa tsa botshelo jwa moswi:

- Setlhogo sa tsa botshelo jwa moswi.
- Tlhagiso ya tshedimose tso e ntsi ka mo go ka kgonegang ka teng fela e nne maleba.
- Tshedimose tso e e tletseng ka dintlha tse di latelang: leina la moswi (o ka tlhagisa leina le moswi a tlwaelegileng ka lona), letlha la matsalo, boemo jwa tsalo, batsadi, boagi, dithutego, tiro, seabe mo setšhabeng (fa go tlhokega), kemo ya nyalo (fa a nyetswe/a nyetse), bana fa ba le teng, sebakwa sa loso, ba a ba tlogelang kwa morago, kgangnyana e badiri le ba lelapa ba tlaa ikgopotsang moswi ka yona, leboko la thoriso la gaabo le mafoko a go robatsa moswi.

Se se lebeleletsweng mo motlhatlhojweng:

- Setlhogo se nne le maina a moswi ka botlalo.
- A tlhagise leina la moswi le gore o tshotswe leng, kwa kae.
- A tlhagise maina a batsadi ba gagwe.
- A tlhagise maemo a tsalo.
- A tlhagise dikolo tse a di tseneng le ditiro.
- A tlhagise maemo a nyalo le bana fa go tlhokega.
- A tlhagise se se bakileng loso le letlha le a tlhokafetseng ka lona.
- A tlhagise ba moswi a ba tlogelang le ba ba mo tsamaetseng pele fa ba le gona.
- A tlhagise ka boripana dintlha dingwe ka maitemogelo a moswi a ba lelapa le ditsala ba ka mo ikgopotsang ka ona fa go tlhokega.
- A tlhagise mafoko a go robatsa moswi ka kagiso.
- A dirise puo ya phefofatso.
- Leboko la kgotla ya moswi le ka tsenngwa fa go tlhokega.

ELA TLHOKO: Motlhatlhojwa a kwale ka ga moswi e seng motshedi

PALOGOTLHE YA KAROLO YA B: 50
PALOGOTLHE: 100